

**Nunatta Karsiata ukioq 2011-imut naatsorsuutaasa akuerineqarnissaannik Inatsisartut aala-
jangiiffigisassaattut siunnersuut**

pillugu

Kukkunersiuinermut Ataatsimiititaliap

ISUMALIUTISSIISSUTAA

Siunnersuutip aappassaaneerineqarnissaanut saqqummiussaq

Suliamik suliarinninnermi Kukkunersiuinermut Ataatsimiititaliap ukunannga inuttaqarpoq:

Inatsisartunut ilaasortaq, Harald Bianco, Inuit Ataqtigiit, siulittaasoq.

Inatsisartunut ilaasortaq, Justus Hansen, Demokraterne, siulittaasup tullia.

Inatsisartunut ilaasortaq, Debora Kleist, Inuit Ataqtigiit.

Inatsisartunut ilaasortaq, Kristian Jeremiassen, Siumut.

Inatsisartunut ilaasortaq, Anders Olsen, Siumut.

Siunnersuutip majip 24-ani 2012-imi siullermeerneqarluni suliarineqarnerata kingorna siunnersuut Kukkunersiuinermut ataatsimiititaliap misissorpaa.

1. Aallaqqaasiineq:

Kukkunersiuinermut Ataatsimiititaliap ulluni 15. – 18. juni 2012-imi Nunatta Karsiata ukioq 2011-imut Naatsorsuutai pillugit isumasioqatigiippoq. Ataatsimiititaliap ilaasortai illoqarfinit ukunannga ilaatigut aggersuupput Tasiilaq, Nanortalik kiisalu Qasigiannugit, taamaattumillu isumasioqatigi-inneq akunnaannersiorluni Reykjavikimi ingerlanneqarluni. Isumaliutissiissutissaq maanna nunatta karsiata naatsorsuutaanik kukkunersiuinermut nalunaarusiamit tigulaakkanik imaqarpoq, ataatsimiititaliap Naalakkersuisunut apeqquteqaataanik kiisalu tamatumuuna Naalakkersuisut akissuteqarnerminni oqaaseqaataanik. Isumaliutissiissummut ilanngussatut suliami tunuliaqutaasut ataatsimiititaliap ilaatippai, tamanna Inatsisartut Naalakkersuisullu pillugit inatsimmi § 18, imm. 1 naapertorlugu.

Isumaliutissiissut manna pissutsinik arlalinnik allaaserineqartunik Naalakkersuisunut itis-iliivigeqqusanik imaqarpoq. Suliap aappassaaneerreqarneranut atatillugu Naalakkersuisut qinnuigineqarnertik naammassisinnaassanngippassuk, suliap aappassaaneerreqarnera naammassineqariapat, paasissutissiissutigineqartut allaganngorlugit piaartumik tiguneqarnissaat ataatsimiititaliap qilanaarai.

1.2. Nunat Avannarliit inatsisartuini kukkundersiuisut attaveqatigiit

2012-imi martsip 19-ani Nunat Avannarliit Inatsisartuini Kukkundersiuisut attaveqatigiit siullermeertutik Københavnimi naapipput. Attaveqatigiit nunanit ukunannga pisuupput: Qallunaat Nunaat, Pukkittormiut/Finlandi, Savalimmiut, Kalaallit Nunaat, Islandi, Norge, Sverige, kiisalu Ålandi. Nunanit taakkunannga tamanit peqataasoqarpoq. Kalaallit Nunaat Kukkundersiuinermut Ataatsimiititaliami ilaasortanik marlunnik peqataatitaqarpoq, aamma oqalutsi ataaseq allatsilu. Nunani avannarlerni inatsisartuini kukkundersiuisunik inuttaqartitsilluni attaveqatigiinnik pilersitsinermi siunertaavoq, naalagaaffimmi kukkundersiuisut aamma kukkundersiuisut ataatsimiititaliaasa ilisimasaannik misilittagaannillu paarlaasseqatigiittarnissaq, aammalu suliassaqarfiup tamatuma pitsaanerpaamik ingerlanneqarnissaanut isumassarsiornissaq. Siunertaavoq attaveqatigiit siunissami naapittarnerisa ullormik ataatsimik sivisussuseqartarnissaa, taamaattumik ataatsimiititaliap iluarinartippaa, nunat peqataatitaqartussat ataatsimiinnerni tamani ikittuinnarnik peqataatitaqartarnissaat naatsorsuutigineqarmat.

1.3. Kukkundersiuinermut Ataatsimiititaliap suliassaqarfii

Ataatsimiititaliap pingaarnertut suliassaqarfii Inatsisartut Naalakkersuisullu pillugit Inatsisartut inatsisaanni §§ 18 aamma 19-imi nassuiarneqarput. Tassanilu allassimavoq, tassalu Ataatsimiititaliap ”*Nunap karsiata Naatsorsuutaasa Kukkundersiorneqartarneranut Ataatsimiititaliap nunap karsiata naatsorsuutai kukkundersiuisullu taakkununnga oqaaseqaataat ukiumut ataasiarluni misissortassavai, naatsorsuutillu pisariaqalersitaannik Naalakkersuisunut apeqquteqarlunilu oqaaseqarfiginnittassalluni. Apeqqutit oqaaseqaatillu Naalakkersuisut akissutaat ilanngullugit Inatsisartunut saqqummiutissavai.*” Oqaatigineqartutuut tamatuma kingorna Kukkundersiuinermut Ataatsimiititaliap pissutsit isornartoqartissinnaasai pillugit Inatsisartut Naalakkersuisunut ilaasortanut akisussaasunut kinguneqartitsisoqassanersoq aalajangiiffigissavaat. Kukkundersiuinermut Ataatsimiititaliap Nunatta Karsiata Naatsorsuutaanik misissuutaarinerminut atatillugu isornartorsiteqassappat, aammattaaq tamatumani Naalakkersuisut politikikkut akisussaasutut, pissutsit iluarsineqarnissaat nakkutigisassaraat.

Inatsimmi suliassaqarfittut oqaatigineqartut saniatigut, Kukkundersiuinermut Ataatsimiititaliap peritsit suleriaatsillu atorneqartut suliassat naammassineqarnissaannut Naalakkersuisut pilersissimasaannik nakkutilliinissaq suliassami ilaattut isigaa, suliffeqarfissuup Naalakkersuisoqarfittut ka-

titigaasup isumannaatsumik ingerlanneqarnissaa pillugu. Tassunga atatillugu aningaasanik aqutsinermi naatsorsuusiortarnermilu atortut sakkussallu atorneqartartut pigineqarnissaat siunertarlu malillugu atorneqarnissaasa qularnaarsimanissaat Ataatsimiititaliap pingaartillugit nakkutiginnissai soqutigisaqarfigai.

Inatsisartut ukiakkut 2010-imi katersuunneranni suleriaasissaq nutaaq Inatsisartut akuersissutigaat Kukkunersuinermit Ataatsimiititaliap inissitsitsernerani aammalu Inatsisartut upernaakkut katersuunneranni pisartussatut. Tamatumani siunertaavoq ataatsimiititaliap inuttalersugaanerata Nunatta karsiata naatsorsuutaanik suliarinninnerup nalaani allanngortittannginnissaa, nalinginnaasumik ukiakkut katersuunnerup aallartinneranut atatillugu Kukkunersuinermit Ataatsimiititaliamit naatsorsuutininik saqqummiussinermik aallarnerneqartartoq. Tamanna soorunalimi Nunatta karsiata naatsorsuutai piffissaatillugu ataatsimiititaliamit pissarsiarineqarsimappata, taamaalilluni upernaakkut katersuunnerup nalaani kinguinngualuunniit ataatsimiititaliamit suliarineqarlutik aallartinneqarsinnaqullugit. Isumaliutissiissut manna suleriaasissami allannguutit ataatsimiititaliamut atuutilersinneranniit Kukkunersuinermit Ataatsimiititaliap siullermeerluni suliaraa. Tassunga atatillugu allannguisimanermit tassunga tunngatillugu Ataatsimiititaliap naammagisimaarinninnini oqaatigissavaa.

1.4. Naatsorsuutininik saqqummiussinissamut piffissarititaasoq

Ileqqunikuuvoq Nunatta karsiata naatsorsuutaanik upernaakkut katersuunnermi siullermeerinninnissamut saqqummiussisarneq. Tamanna naapertorlugu ukioq 2011-imut Nunatta Karsiata Naatsorsuutai 2012-imi Inatsisartut upernaakkut ataatsimiinnerisa naajartorneranni, majip 24-ani pisumi saqqummiunneqarput.

Naatsorsuutininik siullermeerinninnissap upernaakkut ataatsimiinnerup qiterpaarnerani pisinnaansaa, Kukkunersuinermit Ataatsimiititaliap tunngaviatigut piumagaluarpa, tamannalu ataatsimiititaliap sulineranut assorsuaq pitsaqaataassagaluarluni, taamaattorli ataatsimiititaliap nalunngilaa upernaakkut ataatsimiinnissap qaqugukkut pinissaanik aalajangersaasarneq ilaatigut maleqqissaarneqarneq ajormat ataatsimiinnerlu ilaatigut upernaakkut aallartijaarsinnaasartoq, taamaalillunilu saqqummiussinissamut naatsorsuutit upernaakkut katersuunnerup aallartinnerani piareerneqarnissaat ajornavissinnaasarluni.

Ataatsimiititaliali isumaa erseqqilluinnarpoq, tassalu naatsorsuutininik siullermeerinninnissap sapinngisamik siusissukkut pisarnissaa Naalakkersuisunit anguniarneqartuassasoq. Tassunga atatillugu ataatsimiititaliap kaammattuutigerusuppa, Naalakkersuisut ileqqusoq malillugu naatsorsuutininik saqqummiussinissamut piffissarititatut pilersaarutaasoq pillugu tassunga ilanngullugu suliap naammassiartuaanera pillugu ataatsimiititaliaq ataavartumik ilisimatittaqqullugu.

1.5. Naatsorsuusiordermi najoqqutassaq

Namminersorlutik Oqartussani naatsorsuuserivinni tamani Qitiusumik Naatsorsuuseriviup (DcR) najoqqutassarititaa atorneqartarpoq. Naatsorsuusiordermi najoqqutassaq kaajallaasitatut najoqqutassiaavoq, Namminersornerullutik Oqartussat naatsorsuuseriveqarnerat il. il. pillugit Inatsisartut inatsisaanni nr. 23, 3. november 1994-imeersumi aamma Namminersornerullutik Oqartussat naatsorsuuseriveqarnerat il. il. pillugit nalunaarummi nr. 8, 27. februar 1995-imeersumi malit-tarisassat tunngavigalugit suliaasoq. Naatsorsuusiordermi najoqqutassaq taamaallaat qallunaatut pigineqarpoq.

Naatsorsuusiordermi najoqqutassaq naatsorsuuserivinni ulluinnarni sulinermi najoqqutassatut pin-gaaruteqartuuvoq. Naatsorsuuserivinni tamani naatsorsuusiordermi najoqqutassaq nutartikkap kingullerpaap atorneqartarnissaa, Kukkunersiunermit Ataatsimiititaliap naatsorsuutigaa aammalu Naalackersuisut tamanna ataavartumik nakkutigisarigaat.

Naatsorsuusiordermi najoqqutassami suliffeqarfiit namminersortitat ilaatinneqanngillat; Asiaq, Mit-tarfeqarfiit aamma Nukissiorfiit. Taakkununga malittarisassatigut tunngaviit ilaatigut Nammin-ersornerullutik Oqartussat suliffeqarfiutaasa namminersortitat naatsorsuuseriveqarnerat il. il. pillugit Namminersornerullutik Oqartussat nalunaarutaani nr. 25, 26. november 1998-imeersumi al-lassimapput.

Ukioq 2011-imut nunatta karsiata naatsorsuutaanik misissuataarineq immikkoortortani naatsorsuu-siordermik najoqqutassamik atuinnermut tunngatillugu ataatsimiititaliamut imatut oqaaseqaateqarnis-samut pissutissaqartitsilerpoq:

Naatsorsuuserisarnermi najoqqutassiami imm. 7.3-mi allassimavoq, tassalu:

”Aningaasanut inatsimmi konto pingarnerit tamarmik naatsorsuutitut nassui-aaserneqartassapput imatut pisoqartillugu:

- *Aningaasaliissutaasunut naleqqiullugu atuneq tamakkerlugu nikingassutaasoq 2 %-nit imaluunniit kr. 200.000-nit annertuneruppat .*
- *Aningaasanut inatsimmi pisussaaffiliineq naapertorlugu unerartitsisoqarsimappat, an-ingaasat amerlassusaat aammalu inatsimmi aalajangersagaq malinneqartoq naapertor-lugu.*

Naatsorsuutitut nassuiaatit pappilissamut qaqortumut allanneqassapput imalu allassimassal-luni:

- *Ukiumut aningaasaliissutit tusind kroninut naatsorsorlugit.*
- *Ukiumut atunerit tusind kroninut naatsorsorlugit.*
- *Aningaasaliissutit atunerillu nikingassutaat kroninngorlugit procentinngorlugillu øreta-lernagit.*
- *Aningaasaliissutit atunerullu akornanni nikingassutaasoq naatsumik ersarissumillu nassuiaaserneqassaaq.”*

Taamaattumik unerartitsisoqarsimaneranik sunalu tunngaviusimanersoq kisiisa oqaatiginissai naammangilaq – tamanna aningaasaliissutitut sanilliullugu nikingassutaasoq ilaliullugu nassuiaaserneqartussaavoq.

Naatsorsuuserisarnermi najoqqutassiaq naapertorlugu tunngaviusumik aningaasaliissutit atuinerillu akornanni nikingassutaasut pillugit pisuni tamani sumi unerartitsisoqarsimanersoq nassuiaaserneqartartussaavoq, aningaasat tusintialuinnaalluunniit pineqaralarpata. Ataatsimiititaliilli ilisimaaraa, unerartitat nikingassutaat aningaasaliissutaasunit 2 %-it imaluunniit kr. 200.000-nit annertussuseqaraangata nassuiaaserneqartussaasut.

Konto pingaarnermi immikkoortoq 40-p ataani arlalitsigut (Ilinniartitaanermut Ilisimatusarnermullu Naalakkersuisoqarfimmi) ukioq 2011-imut naatsorsuutitut atatillugu tamanna alaatsinaanniarneqarsimangilaq, tassami naatsorsuutitut nassuiaatini taamaallaat oqaatigineqarsimammat, Aningaasanut Inatsit tunngavigalugu atuinerusimaneq atuinikinnerunerlu ukioq 2012-imut aningaasanut inatsisissamit nuussisoqarsimasoq. Tamatumunnga malitsigitillugu ataatsimiititaliaq qinnuteqarnermigut, aningaasaliissutit atuinerullu nikingassutaat pillugit nassuiaammut tapiliussamik tigusaqarpoq (Ilanngussaq 7).

1.6. Sanaartugassanut Iluarsagassanullu nassuiaat

Missingersuusiortarneq pillugu inatsimmi § 21 naapertorlugu Sanaartugassanut Iluarsagassanullu aningaasaateqarfik Nunatta karsiata ilagaa. Missingersuusiortarneq pillugu inatsimmi (§ 24) naapertorlugu tassani nassuiaatip ”ukiumoortumik” nassiunneqartarnissaa piumasagaataaginnarpoq. Ukioq 2011-imut nassuiaat suli Inatsisartunut nassiunneqangilaq. Ataatsimiititaliaq isumaqarpoq nassuiaat Nunatta karsiata naatsorsuutaata ilaatut pingaaruteqarluinnartuummat, ukiakkut katersuunnermi (kingusinnerusukkulluunniit) ukioq naatsorsuusiortarneq qaangiutereersoq agguanneqarmat Inatsisartut suliarinninnerminni nassuiaasiamut isumalimmik naleqqersuussinissaminnut periarfissaqarsimangitsut. Taamaattumik naassuiaatip kingusinaartumik naammassineqarneranut ataatsimiititaliap **isornartorsiuinini uteqqissavaa**.

Ukioq 2011-imut nassuiaatip naammassinissaa qaqugu naatsorsuutigineqarnermoq pillugu, Naalakkersuisut ilisimatitseqqullugit qinnuigineqarput?

2. Nunatta karsiata naatsorsuutaanik kukkunerisuinermit avataaniit kukkunerisuusut oqaaseqaataat

Immikkoortumi matumani pissutsit arlallit, avataaniit kukkunerisuusut ukioq 2011-imut nunatta karsiata naatsorsuutaanik kukkunerisuinerminni oqaaseqaateqarfisaa ersersinneqassapput. Qulequttat amerlanerpaartaat naalisarlugit allaaserineqarput. Naatsorsuutit kukkunerisiorneqarnerisa

tamakkiisumik misissuataarnissaannut kiisalu Naalakkersuisut tamatumuuna oqaaseqaatigisaasa misissuataarnissaannut ilanngussaq 1-5 innersuunneqarpoq. Isumaliutissiisummi matumani immikkoortut ataasiakkaat tamakkiisumik ilaatinneqarnissaat ataatsimiititaliap toqqarsimavaa, pingaarnertut kukkundersiuisut oqaaseqaatigisaat aallaavigineqarlutik.

2.1. Naatsorsuuseriveqarnerup qitiusunngorsarneqarneranut tunngatillugu il. il.

(Nunatta Karsiata Naatsorsuutaanik Kukkundersiuiinnermit nalunaarusiami imm. 4.1.3)

Nunatta Karsiata Naatsorsuutaanik kukkundersiuiinnermit nalunaarusiami imm. 4.1.3-imi, kukkundersiuisut ajornartorsiutit arlallit uparuaavigaat, naatsorsuuseriveqarnerup il. il. qitiusunngorsarneqarneranit aallaaveqartut. Ajornartorsiutaasutut allaaserineqartut kukkundersiuiinnermit nalunaarusiani siornatigulli pisarsimasut atuarneqarsinnaapput, soorlu Nunaatta Karsiata ukioq 2009-imi Naatsorsuutaanik kukkundersiuiinnermit nalunaarusiami tamanna takuneqarsinnaasoq. Unammilligassatut uparuarneqartut Naalakkersuisuniit qanoq iluarsiniarneqarnersut pillugit ataatsimiititaliap siusinnerusukkut nassuiaateqarfigeqqullugit qinnutiginkuuai tamannalu Naalakkersuisut nassuiaateqarfigaat. Ukioq 2011-imut naatsorsuutini kukkundersiuiinnermit nalunaarusiaq tunngavigalugu ataatsimiititaliap oqaatigisinnaavaa, pitsanngorsaasoqarsimarpaluttoq, taamaattorli ajornartorsiutigineqartut sinnerisa iluarsinissaannut suli tamatuma sulissutigiarnissaa pisariaqartorujussuusoq. Ataatsimiititaliap neriutitigaa, ukioq 2012-imut naatsorsuutit suliarineqarnerinut atatillugu malunnaatilimmik pitsanngorsaasoqarsimassasoq.

2.2. Pisiortorfigisanut akiitsut/Akiligassaqarfii

(Nunatta Karsiata naatsorsuutaanik kukkundersiuiinnermit nalunaarusiami imm. 4.1.4)

Ukioq 2010-imut naatsorsuutini kukkundersiuiinnermut atatillugu ajornartorsiutit uparuaavigineqartut arlallit, suli atuuppallupput. Kukkundersiuisut oqaaseqaasiaannut Naalakkersuisut isumaqataanernik oqaatigaat nalunaarutigalugulu, ajornartorsiutaasutut allaaserineqartut iluarsiniarlugit tamatumuuna sulineq suli ingerlasoq. Aammattaaq tamatumani ataatsimiititaliap oqaatigisariaqarpaa, ajornartorsiutit sinnerisa aaqinneqarnissaat anguniarlugu tamakku sulissutigiarnissaat pisariaqartoq.

2.3. Akiitsullit

(Nunatta Karsiata naatsorsuutaanik kukkundersiuiinnermit nalunaarusiami imm. 4.1.5)

Kukkundersiuisut tamanna ima oqaaseqarfigaat:

”[...] Nalilernikuuarput, sulii pitsanngorsaasoqartariaqarnera pisariaqavissoq, tassami pisariaqartitsineq malillugu malittarinnilluni nakkutilliisoqarneq ajormat, nikinganersuiisoqarneq ajormat kiisalu akiitsulinnik tuavisaaraluni akileeqquisoqarneq ajormat.

Innersuussutiginikuuarput, sulisussaqaarniarneq sulianillu ingerlatseriaatsit pillugit misissuisoqarnissaa, taamaaliornikkut immikkoortortaqaarfinni suliaassat nukissallu tungaasigut pingaarnersuisinnaaneq nalilersuisinnaanerlu pisinnaaqqullugit.

Illup iluani maleruaqqusat malillugit sulinermilu periutsit malillugit, akiitsullit qaammatinik arfinilinnik pisoqaanerusunik akiitsullit tamarmik, immikkoortortaqaarfimmiit nuunneqarlutik, Akileraartarnermut Aqutsisoqarfiup akiliisitsiniartarfianut ingerlateqqinneqartussaapput, akiitsunillu akiliineq tassani pisimappat, taava taakkua akiliisitsiniartarfimmut tuttartussaallutik, naatsorsuuserinermut najoqqutassami tamanna pillugu malittarisassat malillugit taamaattussaammat.

Tamannalu ukiuni siuliini pisimasut assigalugit, 2011-mi nammaginartumik ingerlanneqarsimangilaq, ilisimatitsissutigineqartullu malillugit, akiitsut qaammatinik arfinilinnik pisoqaanerusut ataavartumik akiliisitsiniartarfimmut ingerlateqqinneqartarsimangillat.

Paasinikuuarput akiitsullit akiliutaannik assigisaannillu amigartumik imaluunniit kukkusumik naligiissaarisarneq peqqutaalluni, qaammatinik arfinilinnik pisoqaanerusunik akiligassallit, qanoq amerlatiginersut naatsorsorniarneqarnissaat assut ajornakusoortoq. Uagut naliliinerput malillugu, ilimagaarput aningaasat amerlassusaat matumani pineqartut.”

Naalakkersuisut tamatumuuna oqaaseqaatigisaat:

” QN kukkunersuisut oqaaseqaataannut isumaqataavoq. Immikkoortoq 4.1.3.-mi allassimasutut kontot arlallit isumannaallisarneqarput taamaasiortoqarneratigullu naligiisitsilluni suliat ikilissapput. Tamatuma saniatigut 2012-ip ingerlanerani suleriaasissanik suliaqartoqassaaq, namminersorlutik oqartussat pisassariunnagaanik pitsaasumik malitseqartitsisalernissaanik kinguneqartussamik.

2012-ip ingerlaneranittaaq periutsumik eqqussisoqassaaq taamaasiortoqarneratigut aningaasat allanit pisassat qaammatinit 6-inik pisoqaassuseqaleraangata automatiskimik akiliisitsiniartarfimmut ingerlateqqinneqartalissallutik, takujuk naatsorsuuserinermi najoqqutassani maleruaqassat.

Akiligassallit ataasiakkaat akiligassallit nalunaarsuiffianut eqqortumik ikkunneqarsimaneri misissoeqissaartarumallugit, suliaassaqaarfik taana qitiusumit ingerlanneqalissaaq, taamaasiortoqarneratigut ukiup naalernerani akiligassallitut nalunaarsugassat akiligassalinnut immikkoortortaqaarfimmit kisimi nalunaarsorneqarsinnaalissallutik.”

Aallaqqaasiutigalugu ataatsimiititaliap oqaatigissavaa, kukkunersuisut oqaaseqaasiaat ukiut siuliini kukkunersuisarnernut sanilliullugit allannguuteqangaarsimangitsut. Tamannalu ataatsimiititaliap imatut paasivaa, Naalakkersuisut ajornartorsiutitut uparuaavigineqartut iluarsiniarlugit naammattumik iliuuseqarsimangitsut, tamannalu naammaginangilaq. Taamaattorli

Naalakkersuisut oqaaseqaataat ataatsimiititaliap imatut paasivai, tassalu ajornartorsiutit pineqartut aaqqiiviginiarlugit maannakkut iliuuseqartoqalersoq.

- ? Suleriaasissat qanoq ittut atorneqalereersimanersut aammalu 2012-imi suut atorneqalerniarnersut pillugit Naalakkersuisut nassuiaateqaqqullugit ataatsimiititaliap qinnuigissavai, tassungalu atatillugu Namminersorlutik Oqartussani pitsaasumik malitseqartitsisarnissamut iliuusissat tamakkua qanoq iliorluni qulakkeerinneqataatinniisaat nassuiaateqarfigalugu.
- ? Pisassarissat qaammatinik arfinilinnik pisoqaanerusut, naleqquttumik suliarineqartarnissaannut qulakkeerinnittumik peruserineqartussa qillugu, Naalakkersuisut nassuiaateqarnissaannik qinnuigineqarput.
- ? Akissutigineqartumi iliuusissatut oqaatigineqartut ukioq 2012-imut kukkunerisuisut nalunaarusiaanni oqaatigineqartut Naalakkersuisut naammattutut isigaat, siunissamilu isornartorsiuinissaq taamaalilluni pisariaarutissasoq?

2.4. Aningaasanik tigoriaannarnik nikinganersuineq

(Nunatta Karsiata naatsorsuutaanik kukkunerisuiernermit nalunaarusiami imm. 4.1.6)

Immikkoortumi tassani aamma, kukkunerisuisut oqaaseqaataat ukioq kingullermit uteqqiinertut oqaatigineqarsinnaasut ataatsimiititaliap oqaatigisariaqarjaa. Ukioq 2010-imut naatsorsuutinik suliaqarnermut atatillugu ataatsimiititaliap pissutsit allaaserineqartut isornartorsiorpai oqaatigisariaqarlugulu, ukioq 2011-imut naatsorsuutinik saqqummiussinissap tungaanut taasarialinnik pitsannguisoqarsimagunangitsoq. Kukkunerisuiernermit nalunaarusiamut Naalakkersuisut oqaaseqaatiminni oqaatigaat, nukingisaaruteqarnermi peruserineqartut sukateriffigineqarniartut.

- ? Sukaterisoqarnissaanut sulissuteqarneq sumut killinnersoq aammalu nukingisaaruteqartarnermi peruserisat qanorpiaq allangortinniarneqarnermut pillugit Naalakkersuisut tamatumuuna nassuiaateqaqqullugit qinnuigineqarput?
- ? Akissutigineqartumi iliuusissatut oqaatigineqartut ukioq 2012-imut kukkunerisuisut nalunaarusiaanni oqaatigineqartut Naalakkersuisut naammattutut isigaat, siunissamilu isornartorsiuinissaq taamaalilluni pisariaarutissasoq?

2.5. Akiliisitsiniartarfiit

(Nunatta Karsiata naatsorsuutaanik kukkurersiunermit nalunaarusiami imm. 4.1.7)

Naatsorsuutinin kukkurersiunermit nalunaarusiami imm. 4.1.7 kiisalu Naalakkersuisut tamatumuuna oqaaseqaatigisaat (ilangussaq 1 aamma 5) kiisalu ataatsimiititaliap malitseqartitsiviusumik apeqqutaanut Naalakkersuisut akissuteqataat (ilangussaq 9) innersuussutigineqarput.

Naalakkersuisut akissuteqaataanni atuarneqarsinnaavoq:

"[...]piviusumilli sanilliullugu akiligassaqaarfigisanut nalunaarsuiffik, aatsaat piviusunngorsinnaavoq, Namminersorlutik Oqartussat aamma kommunit piffissaq ungasinnerusq eqqarsaatigalugu aalajangissagaluarpata aningaasaqarnikkut periutsinik assigiinnik atuinissartik (ingerlaannartumik paasissutissanik paarlaassisinnaasut)"

Ukioq 2013-imut Aningaasanut Inatsisissatut Siunnersuummi allassimavoq, suliniummut, taaneqartoq Pisariillisaaneq (konto pingaarnermi 82.20.02) kr. 22,5 millionit immikkoortinneqarsimasut. Ataatsimoorussamik aningaasaqarnikkut Namminersorlutik Oqartussani kommuninilu aqutseriaaseqarneq, minnerpaatulluunniit akuerineqarsinnaasumik aningaasaqarnikkut aqutseriaaseqarneq aningaasaqarnermik aqutsinermi inuiaqatigiinnilu nukissanik atorluannissamik pitsanngorsaaniarluni sulissuteqarnermut pingaaruteqarluinnartoq ataatsimiititaliaq isumaqarpoq. Minnerunngitsumik kukkurersiuisut ataavartumik pitsaasumillu nakkutilliisinaanissaannut isumalerujussuussaaq. Taamaattumik ataatsimiititaliaq isumaqarluinnarpoq, Namminersorlutik Oqartussani kommuninilu ataatsimoorussamik aqutseriaaseqarneq suliap tamatuma ingerlaqqinnissaanut pingaartinneqarluinnartariaqartoq.

- ? Namminersorlutik Oqartussani kommuninilu ataatsimoorussamik aqutseriaaseqalernissamik siunertaqarluni sulineq suli ingerlanneqartoq, Naalakkersuisut uppernarsarsinnaavaat?

2.6. IT-kkut nakkutilliissutit nalinginnaasut

(Nunatta Karsiata naatsorsuutaanik kukkurersiunermit nalunaarusiami imm. 4.1.8)

Kukkurersiuisut ilaatigut manna oqaatigaat:

"Ataatsimut eqikkarlugu nalilerparput, IT-kut nalinginnaasumik nakkutilliineq naammaginangitsumik ingerlasoq. Paasivarput DcR'mi qarasaasiap atortuinik programminik nutarterisarnissap aamma it-mik atuisarnerup isumannaallisaaffigineqarnerata tungaa annertuunik sanngiiffeqartoq. Pingaartumik atuisinnaatitaanermut akuersissutinik (brugerrettigheder) ingerlatsinikkullu suliqaarsinnaatitaanermut akuersissutinik (administrative rettigheder) tunioraasarneq

eqqarsaatigalugu, kiisalu tunisassiornermik ingerlatsivinnut akuerisamik isersissinnaatitaanerup amigartumik nakkutilliivigineqarnera aamma isumannaallisaanerup pissusissamisoortup amigaateqarnerata nalinginnaanera. Assersuutigalugu ilisimatitsissutigisinnacvarput, XAL-imi paasissutissat (data) niuerutillu nuussukat inunnit 30-nik amerlanernit akornuteqanngitsumik iserfigineqarsinnaammata, paasissutissanillu atuarsinnaallutik, allannqortiterisinnaallutik imaluunniit piiaasinnaallutik.

Ingerlatsinermi periusissanik nakkutilleeriaasissanillu amigaateqarnerup kingunipilugisinnacvai, akuerisaanngitsunik iliuuseqartoqarsinnaanerata aarlerinarnerulernera, tassunga ilaapput siunertarinngisamik kukkusumik iliuuseqartoortoqarsinnaanera, taamaalilluni atortorissaarutit pissusissamisoortumik atorineqarsinnaajunnaarnerinik kinguneqartunik, kiisalu kissaataasoq malillugu atuuffiit assigiinngitsut immikkoortisimaneqarnissaat attatiinnarneqarsinnaassanngimmat.

Namminersorlutik Oqartussaqaarfimmi IT-kkut ingerlatsivimmik annertunersaat kiffartuussisartunut avataaneersunut suliassiissutiginikuuat. Isumaqaatigiissuteqarsimanerput malillugu kiffartuussisartut avataaneersut nakkutilliissutaannik isumannaallisaataannillu pingaarnerusunik nalilersuisimavugut, matumani kiffartuussisartut avataaneersut pisortaannik ataatsimeeqatigininnitsinni, uppernarsaatissat uagutsinnut takutinneqartut paasissutissallu uagutsinnut nalunaarutigineqartut toqqammavigalugit.

Uagut naliliinerput malillugu, kiffartuussisartut avataaneersut nakkutilliissutaat isumannaallisaataallu arlalitsigut sanngееquteqarput, taakkua ilaatigut ilungersunarsinnaasunik ilaqaarlutik.

Innersuussutiginikuuarput, Namminersorlutik Oqartussat kiffartuussisartunik avataaneersunik oqaloqateqarnertik piaarnerpaamik aallartissagaat, matumani siunertareqqullugit, kiffartuussisartut avataaneersut nakkutilliinikkut- isumannaallisaanikkullu kiffartuussinerisa pitsaassusaata qaffasissusaa, Namminersorlutik Oqartussat kiffartuunneqarnerminni pitsaassusissamik naatsorsuutigisaannut piaarnerpaamik qaffaqqullugu.

Oqaloqateqarnermut ingerlanneqartumut naggasiutigillaqqunarpoq, kiffartuussisartut avataaneersut kukkunerisiuisartuat, suliaq pillugu pisortatigoortumik kukkunerisiuinikkut uppernarsakkamik tunniusseqqullugu piumaffigissagaat..”

Ajornartorsiutaasutut paasineqartut ataatsimiititaliap isumannartorujussuurtut isigai innersuussutigissallugulu, IT-qarnikkut isumannaallisaanerup pitsanngorsaaviginissaanut iliuusissat pisariaqartut erngertumik Naalakkersuisut aallartissagaat. Ataatsimiititaliap maluginiarpa, kukkunerisiuisut innersuussutaat tunngavigalugit iliuusissat arlallit aallartinneqareersut Naalakkersuisunit oqaatigineqarmat. Iliuserisassat aallartinneqartut pissutsit oqaatigineqartut ukioq 2012-imut naatsorsuutinik misissuataarinnermut atatillugu nalaanneqaqqinnginnissaannut naammannissaat, ataatsimiititaliap pingaarutilerujussuurtut isigai.

2.7. Kukkunersuinermit nalunaarusianut tunngatillugu Eqikkaaneq

Kalaallit inuiaqatigiit aningaasaqarnikkut unammilligassaqaarnerat isiginiarlugu, soorlu tamanna ilaatigut Kalaallit Nunaanni Aningaasaqarneq pillugu Siunnersuisoqatigiit allaaserisaanni oqaatigineqartoq, inuiaqatigiinni kikkut tamarmik ilisimasaqalernissaat taamaalillutillu aamma nammineerluni nalinginnaasumik aningaasanik aqutsinissamut pikkorinnerulernissaat pingaaruteqarluinnarpoq. Ataatsimiititaliap pingaaruteqarluinnartutut isigaa, Namminersorlutik Oqartussat tassunga atatillugu aningaasaqarnikkut namminneq naleqquttumik aqutsinissamut pisinnaanerminnik piumassuseqarnerminnillu takutitsinissaat, tassunga ilanngullugu tamatumuuna malittarisassat atuutsinneqartut naapertorlugit ingerlatsinissami – tamannami inuiaqatigiinni siuarsimasuni nalinginnaasusariaqaralarpoq.

Siusinnerusukkut oqaatigineqartutut naatsorsuutitut nalunaarusiami ajornartorsiutit oqaatigineqartut tassaasimapput ukiut siuliini uteqqiaffigineqartut kukkunersuisut naatsorsuutitut nalunaarusiaminni pissutsit ilaatigut ajornartorsiutaasutut oqaatigisarsimasaat. Ukioq 2011-imut naatsorsuutit kukkunersuinermit nalunaarusiamut atatillugu annertunerusumik pitsanngoriartoqarsimannginnera ataatsimiititaliap naammaginangitsutut isigaa. Unammilligassatullu paasineqartut iliuuseqarfiginissaat siunertarlugu kukkunersuisunit aaqqiissutaasinnaasutut innersuussutigineqartut malinneqarnissaat sakkortuumik ataatsimiititaliap Naalackersuisunut qinnutigissavaa. Namminersorlutik Oqartussani aningaasaqarnermik aqutseriaatsimik pitsaasumik siuarsaanissamut, nukissat tungaatigut pingaarnersuinerit naleqquttuunersut Naalackersuisut ataavartumik nalilersuiffigisassagaat naatsorsuutigineqarpoq.

- ? Kukkunersuisut naatsorsuutitut nalunaarusiaanni unammilligassatut oqaatigineqartut iliuuseqarfigineqarneri pillugit, siunissami aalajangersimasumik periusissatut Naalackersuisut ataavartumik ataatsimiititaliamut ilisimatitsisarnissaannik ataatsimiititaliap qinnuigissavai.

3. Naatsorsuutitut nassuiaatit

Naatsorsuutitut nassuiaatit, ataatsimiititaliallu taakkua pillugit apeqqutai aamma Naalackersuisut akissuteqaataanni ilanngussaq 6 – 7 allassimapput. Immikkoortoq 1.5-imi allassimasut eqqaassanngikkaanni naatsorsuutitut nassuiaatit ataatsimiititaliap ataatsimut isigalugit naammaginatutut isigai.

3.1. Peqqissutsimut Naalackersuisoqarfinnut naatsorsuutitut nassuiaatit

Peqqinnissaqarfik 2011-ip ukiuani naatsorsuusiorfiusumi kr. 14 millionit missaanni atuinerusimavoq. Aningaasaliissutinit tamarmiusunit 1,2 milliardit missaanniittunit taamaalilluni atuineruneq 1 %-it sinnilaarlugit annertussuseqarpoq.

Naatsorsuutitut nassuiaatini allassimavoq, atuinerusimaneq ilaatigut immikkoortortani aqutsisoqarnikkut unittoorsimanermik patsiseqartoq. Ajornartorsiutip annertussussaa tunngavigalugu ataatsimiititaliap ilimagaa, aqutsisoqarniarnikkut ajornartorsiutaasut immikkoortortani pisortatut taartaaginnartunik sulisoqartarnermut taamaallaat tunngatinneqarsinnaanngitsut. Immikkoortortani aqutsineq assersuutigalugu sulisussaqaarniarnikkut ajornartorsiuteqarneq pissutigalugu tamakkiisumik ingerlanngippat soorunami tamanna allaffissornikkut aqutsisut qulliunerusut immikkoortortami suliassanik naammassinninniarneq naleqquttumik ingerlanersoq, nakkutigisassaraat. Pissutsit naleqquttumik ingerlanneqarnissaannut akisussaaffik taamaalilluni kingullertut allaffissornikkut aqutsisunut qulliunerusunut aammalu Naalakkersuisunut tutsinneqartariaqarpoq.

Peqqinnissaqarfimmi aqutsisut pissutsinut paasineqartunut imaaliinnarlugit pisuutinneqarsinnaasutut ataatsimiititaliap isiginngilai, tassami peqqinnissaqarfiup tamatumani pingaarnertut peqqinnissakkut sullissinerit sapinngisamik amerlasuut pitsaasullu ingerlanniartariaqarmagit. Peqqinnissaqarfimmi aqutsisoqarnerup saniatigut peqqinnissaqarfimmi allaffissornikkut pingaartumillu aningaasaqarnikkut aqutsineq immikkut pingaartillugit tamakkua Naalakkersuisut soorunalimi nakkutigisariaqaraluarpaat.

Naalakkersuisut allaaserisaat tunngavigalugu ataatsimiititaliap oqaatigisariaqarjaa, tassalu missingersuutit pillugit inatsisini maleruagassat malillugit aningaasartuutissat akuersissutigineqaaqqaartinnagit aningaasartuuteqartussaannginna Naalakkersuisunit malinneqarsimanngitsut missingersuusiortarnermi inatsimmi aalajangersakkat malillugit aningaasartuutissat siumungaaq aningaasaliissutaareersimatinnagit atuisoqarsinnaanngimmat. (Missingersuusiortarneq pillugu inatsimmi § 1, imm. 3). Nassuiaatigineqartut soorluuna, naatsorsuuseriveqarnermi imm. 4.2.6 (akissarsiat pillugit) allassimasoq tunngavigalugu aamma ersersikkaat tassalu qitiusumik aqutsinikkut oqartussaaffik tamanna naammaginarumik pisariaqarfiani kivinneqarsimanngitsoq. Oqartussaaffiup pingaarutilerujussuup sulisorpassuallillu taassuma aqutsisoqarluannginna nakkutigineqarluannginneralu ataatsimiititaliap **sakkortuumik isornartorsiorusuppaa.**

3.1.1. Napparsimasunik angallassisarnermi aningaasartuutit

Naalakkersuisut paasissutissiissutaanni ataatsimiititaliap tigusimasaani atuarneqarsinnaavoq, napparsimasunik angallassisarnermi aningaasartuutit 2010-miit 2011-imut kr. 13 millionit missaannut qaffariarsimasut. Qaffaatinit taakkunanga kr. 6 millionit missaat bilitsit pisiarineqartut amerlisimanerannik, akit qaffassimanerannik, naatsorsuuserineri kukkusumik naatsorsuutitut nalunaarsuisimanermik il. il. patsiseqartut nassuiaatigineqarpoq. Sinneruttullu kr. 7 millionit missaanniittut nassuiaatissartaqanngillat.

- ? Napparsimasunik angallassisarnermi aningaasartuuteqarnerulersimanerup saniatigut aningaasartuutaasimasut sinnerinut patsisaasoq paasiniallugu Naalakkersuisut

qulaajaaniarlutik iliuusissat suut aallartippaat, nassuiaatissartaalu qaqugu piareersinnaanersoq Naalakkersuisut naatsorsuutigaa?

3.2. Atorfiit inuttaqanngitsut siunnersuisunillu atuineq

Naatsorsuutininut nassuiaatini arlaliusuni iliuuserisassatut pilersaarutigineqartut ingerlanneqartannginnerinut sulisunik amigaateqarneq tamatumani pingaarnertut patsisaatinneqarpoq. Taamaattumik atorfiit inuttaqanngitsut qassiuneri kiisalu atorfinnik inuttassarsiuinermi Naalakkersuisut inissaqartitsisarunnaanerat tamatumunnga attuumassuteqarnersoq, pillugu ataatsimiititaliap paasissutissiissutigeqqullugu Naalakkersuisut qinnuigai, kingullertullu avataaniit siunnersortinik atuisarnermut tunngatillugu ataatsimiititaliap Naalakkersuisut paasissutisseeqqullugit qinnuigissavai.

Naalakkersuisut tamatumuuna ilaatigut imatut akissuteqarput:

”Atorfinitsitsinernut inissalinnut unitsitsineq annertoorujussuarmik Namminersorlutik Oqartussanut sulisussarsiortarnermut kinguneqarsimavoq.

Amerlassutsit ikittuinnaat qinnuteqartunit piginnaanilinnit Nuummi ineqareerput, tamatumalu kinguneraa:

- a) Atorfiit ataasiakkaat piffissami sivisuumi inuttalerneqartannginnerat.*
- b) Suliassat naammassineqarnerini pitsaassuseq sanngiillisineqassaaq (amerlassutsikkut aamma pitsaassutsikkut). Ilanngullugu erseqqissaatigineqartariaqarpoq, atorfinitsitsinernut inissalinnut unitsitsinerup inuttassarsiortarneq kisiat sunnertanngimmagu, kisiannili aamma inuit piginnarsinnaanissaat atugarissaarnerallu.*

Suliassanik pingaarnersiuisarneq aamma sulisooreersunik annertunerusumik suliniuteqarnerit aqqutigalugit iluatsinneqarpoq suli Namminersorlutik Oqartussani nalinginnaasumik ingerlatsinerup isumagiinnarneqarnissaa taamaattumillu Naalakkersuisunit pissutissaqartinneqanngilaq atorfinitsitsisarnermik unitsitsinerup allanngortinneqarnissaa aatsaalli Nuummi inissaqartitsiniarnikkut pissutsit pitsanngorsimatinnagit.”

Naatsorsuutininik kukkunersiuiernermit nalunaarusiami (imm. 2 naapertorlugu) pissutsit Aningaasaqarnermut Sulisoqarnermullu Aqutsisoqarfik pillugu allaaserineqartut Namminersorlutik Oqartussani pissusiusunik ersersitsisutut nalinginnaasumik isigineqassappata, taava tamanna Namminersorlutik Oqartussani nalinginnaasumik ingerlatsinerup isumagineqarnera (naammaginartut?) Naalakkersuisuniit oqariartuutigineqartoq, ataatsimiititaliap qularnartoqartippaa.

Atorfinititsisarnerup unitsinneqarnerani suliassat naammassiniartarnerannut tamatuma ajoqutaasumik sunniuteqarneranik Naalakkersuisut oqarnerat aammalu sulisut sulisoriinnarneqarnissaannut atugarissaarnissaannullu sunniuteqarnerlussinnaanera, aammalu 2011-imi kr. 40 millionit siunnersorteqarnermut atorneqarsimanerininik Naalakkersuisut paasissutissiinerat kiisalu 2011-imi Namminersorlutik Oqartussani atorfiit inuttaqanngitsut XX taamatut amerlatigineri, atorfinititsinermi inissaqartitsisoqartannginnissaanik aalajangiisimaneq, eqqarsalersitsivoq tamanna tuaviuussaavallaarsimasoq, eqqarsaatigilluagaanilu.

- ? Nuummi inissaqarniarnikkut pissutsit ”pitsaanerulissasut” ilimagineqarsinnaava tamannalu pitsanngortinniarlugu qanoq iliuuseqartoqarpa?
- ? Naalakkersuisut atorfinititsieriaasiannut inissaqarniarnikkut pissutsit ”pitsaanerulerpata” tamanna qanoq sunniuteqarsinnaasorineqarpa? Assersuutigalugu suli atorfiit inissartanngitsut inuttassarsiorneqartassappat imaluunniit atorfimmut atatillugu inissaqartitsisarneq atugaaleqqissava?

4. K-gruppi

K-gruppimik taaneqartartumi sulineq pillugu ukiut siuliini naatsorsuutininik suliaraqarnermut atatillugu ataatsimiititaliaq paasissutissanik apeqqustillisarsimavoq¹. Naalakkersuisut Inatsisartunut paasissutissiisimapput, tassunga ilanngullugu K-gruppi sulinera siunertaasooq malillugu ingerlanneqartoq, naak qasseriarluni ataatsimiittoqartarnera malinnaavigineqanngikkaluartoq, kikkut ataatsimeeqataasarsimanersut aammalu ataatsimiinnerni qanoq aalajangiisooqartarsimanersooq pillugu. Suliassaqarfik taama pingaaruteqartigisooq uppersaataasinnaasunik tunngavissaqarani sulisinnaamat, (Naalakkersuisut nammineq paasissutissiinerat naapertorlugu) siusinnerusukkut ataatsimiititaliap isornartorsiutiginiuuua, tamannalu peqatigiiffeqqamut assersuutissaqqinnerugunarpooq, avataaniit allaalluunniit Inatsisartunit qanoq sulisoqarneranik paasisaqarnissamut periarfissaqanngilluinnartutut.

Ataatsimiititaliap nalunngilaa, Aningaasaqarnermut Akileraartarnermullu Ataatsimiititaliap aammattaaq K-gruppi sulinera atuuffigisaalu pillugit apeqqustillisarsimasooq kiisalu Naalakkersuisut tamatumunnga atatillugu oqaatigisimagaat, K-gruppi piffissap ilaani sulisussaaleqineq pissutigalugu tamakkiisumik ingerlasinnaasimannigisooq tamannalu UKA/2012-imi aaqqiivigineqassamaartoq naatsorsuutigineqartoq. Tusaannarlugu eqqumiiginarpooq, Naalakkersuisut aqutsisoqarnikkut ima ilungersunartorsiortigisimassappata allaat ataqatigiissaakkanik ataatsimiittoqarsinnaarpalunnani, Naalakkersuisut namminneq

¹ Qasigiannguani Efterskolep pilersinneqarneranut atatillugu ilaatigut missingersuutit pillugit inatsisip unioqquatinneqarnera pillugu Naalakkersuisut nalunaarput, ataqatigiissaarisussanik pilersitsisoqartoq, suliani aningaasatigut kinguneqarsinnaasunik ataqatigiissaarineri qulakkerimittussamik kiisalu suliani naalakkersuisooqarfii assigiinngitsut akornanni inassuteqaateqarnissamut isumaqatigiinngittoqartillugu ataqatigiissaarisartussamik.

paasissutissiinerat malillugu, uffa oqaluuserisassartaqartariaqarnngitsut imaluunniit imaqarniliortariaqaratik.

Naalackersuisuniit paasissutissiissutigineqartut naapertorlugit soorluuna eqqoriakannerneqarsinnaarpaluttoq K-gruppi siunertaasoq malillugu ingerlasimannngisaannartoq, naak Naalackersuisut ataatsimiititaliamut paasissutissiigaluartut K-gruppi ingerlalluartoq, aammalu Naalackersuisut allaffissornikkut sulinermi pitsaassutsimik qulakkeerinninnissaannut tamanna ilaasoq. Naalackersuisut paasissutissanik tutsuiginartunik ataatsimiititaliamut kiisalu Aningaasaqarnermut Akileraartarnermullu ataatsimiititaliamut suliami matumani paasissutissiisannginnerat piomassuseqannginneralluunniit ataatsimiititaliap assorsuaq ajornartorsiutaasoraa.

- ? K-gruppi UKA/2012-ip kingorna aallarteqqinnissaanut atatillugu taassuma sulinermini periusissai, suliat uppernarsarnissaannut naleqquttuunissaannik qulakkeerinnittussamik periusissaliortqarniarnersoq Naalackersuisut ilisimatitseqqullugit qinnuigineqarput.


5. Ukioq 2012-imut Nunatta Karsiata Naatsorsuutaanik kukkurersiuisussatut ataatsimiititaliap inassuteqaataa


Naalagaaffimmit akuersisaasumik kukkurersiuisartut ingerlatseqatigiit Deloitte ukioq 2012-imut Nunatta karsiata natsorsuutaanik kukkurersiuisussatut Inatsisartut toqqassagaat, Kukkurersiuiinermut Ataatsimiititaliap Inatsisartunut inassuteqaatigaa.


6. Ukioq 2012-imut Nunatta Karsiata Naatsorsuutaanik kukkurersiuiinermi ataatsimiititaliap inassuteqaataa


Ukioq 2011-imut Nunatta karsiata Naatsorsuutaasa akuerineqarnissai pillugit aalajangiiffigisassatut siunnersuutip akuerineqarnissaa **Ataatsimiititaliap isumaqatigiittup inassuteqaatigaa.**

Taamatut oqaaseqarluni Kukkunersiuinermut Ataatsimiititaliap siunnersuut aappassaaniigassanngortippaa.


Harald Bianco,
Siulittaasoq


Justus Hansen


Debora Kleist


Kristian Jeremiassen


Anders Olsen

Ilanngussat:

- Ilanngussaq 1: Ukioq 2010-imut Nunatta karsiata naatsorsuutai pillugit Avataaniit Kuk-kunersiuisut oqaaseqaataat.
- Ilanngussaq 2: Ukioq 2010-imut Asiap naatsorsuutai pillugit Avataaniit Kuk-kunersiui-sut oqaaseqaataat.
- Ilanngussaq 3: Ukioq 2010-imut Mittarfeqarfiit naatsorsuutai pillugit Avataaniit Kuk-kunersiuisut oqaaseqaataat.
- Ilanngussaq 4: Ukioq 2010-imut Nukissiorfiit naatsorsuutai pillugit Avataaniit Kukku-nersiuisut oqaaseqaataat.
- Ilanngussaq 5: Naatsorsuutit pillugit ataatsimiititaliap Naalakkersuisunut oqaaseqaa-teqaqqusinera.
- Ilanngussaq 6: Naatsorsuutitut il. il. nassuiaatit pillugit ataatsimiititaliap Naalak-kersuisunut apeqquteqaatai.
- Ilanngussaq 7: Naatsorsuutitut il. il. nassuiaatit pillugit ataatsimiititaliap apeqqutaanut Naalakkersuisut akissuteqaataat.
- Ilanngussaq 8: Ilanngussat 5 aamma 7 pillugit ilassutitut ataatsimiititaliap apeqquteqaatai.
- Ilanngussaq 9: Ilanngussat 5 aamma 7 pillugit ilassutitut apeqquteqaatinut Naalak-kersuisut akissutaat.
- Ilanngussaq 10: Ataatsimiititaliap apersuinissaminut aggersaassutaa kiisalu kukkunersi-uisut nalunaarusaanni imm. 4.2.6 pillugu Naalakkersuisut akissuteqaataat